

JUAN CARLOS GOIENETXEA

EUSKO ALKARTASUNAREN BIZKAIKO LEHENDAKARIA

«Gehiengo berri bat sortzen bada, zoriontsu izango gara»

Bermeoko udaletxeko telefonoa ez da isiltzen, eta eginbeharrak ere badirudi ez dutela amaierarik. Hala ere, tartetxo bat egin digu bilera batera joan aurretik.

■ **PSE-EEK kritika latzak egin dizkizue EAJ eta EAri Konstituzioari men egiteari ezezkoa emango diozuelako. Nola ikusten duzu Eusko Jaurlaritzak bizi duen momentua, badago zatiketa arriskurik?**

Bakoitzaren erantzukizunaren arabera jakin behar du besteen iritzia errespetatzen, eta bere aldekoak ez direlako ezin da onartu txantaje lege azaltzea euren erabakia. Argi utzi behar da hiruko paktuaren programako gaiak ez direla ukitzen.


Horrelako jarrerak gehiago dira hauteskundeen aurrean gaudelako beste ezerगतik baino. Izango balitz PSOE dela kide berri bat oraingo itun honetan ez nintzateke harrituko horrelako erantzunekin, baina hamahiru urte EAJgaz elkarlanean egonda... Ez dut uste mehatxuak gauzatuko dituztenik.

■ **Espainiako Konstituzioa da berriro ere nazionalisten eta ez nazionalista ez direnen arteko mugarria.**

Ez da gauza berria. Eusko Alkartasunak ez du Espainiako Konstituzioa onartzen, herri lege ditugun eskubideak ukatu egiten dizkigulako. Beste gauza batzuek gain, 8. artikuluan nahikoa azaltzen da, eta horrek ia-ia hipotekatu eta ukatu egiten digu gure nortasuna. Argi eta garbi segituko dugu esaten gure helburua dela euskal estatu independente bat lortzea, eta Konstituzio horretan gure helburuak ez duela sarrerrarik. Beste herri batzuetan dagoen bezala, guk uste dugu herri lege ahots propioa izan behar dugula munduan zehar, baina hori ukatu egiten digu Konstituzio horrek. Konstituzio horren alde ez gaude.

■ **Nicolas Redondok berretsi du Estatutua eta Espainiako Konstituzioa defenditzea baldintza bat dela eurak edozein koalizio gobernutan sartzeko.**

Redondo jaunak bere alderdiko barne hauteskundeak egin dituenetik aurrera azaltzen da komunikabideetara hautagai lege, bere kanpaina da hori, baina eginak eta ekintzak beste batzuk dira. Gauzatzen ez duten artean,



Juan Carlos Goienetxea, Bizkaiko EAJko lehendakaria eta Bermeoko alkatea da.
XOUSE SIMAL

berba hutsak izango dira. Egia dena da 13 urte elkarrekin egonda ez bada konturatu batzuek edo besteek zer nahi duten... Gu ez gaituzte beldurtzen horrelako pertsonak, zeren esaten dituzte berba asko, baina gehiagorik ez.

■ **Akordio jakin batzuen ostean asko egin da berba gehiengo berriaz.**

Gehiengo hau guretzat ez da hain berria, horretan egin dugu lan beti, eta hori sortzen bada zoriontsu izango gara. Guk beti esan izan dugu gehiengo errespetatu egin behar dela, baina, halaber, esaten dugu besteak hain demokratik diren lege, eurak ere demostra dezatela hain demokratik direla. Ez dago ikuspegi horberik gehiengo horrek hartzen dituen erabakiak errespetatzea baino. Ez du balio esatea demokratik dela eta gero demokratik lege ez jokatzea. Gehiengo berri hori?

Juan Carlos Goienetxea PSE-EEren hauteskunde jokoaren barruan kokatu du, Espainiako Konstituzioari men egiteari uko eginez gero, Eusko Jaurlaritzak apurtzeko Nicolas Redondo Terrerosek egin duen mehatxua. Euskal estatu independente bat sortzeko bidean Espainiako Konstituzioa oztopo delakoan da EA. Berritza den gehiengo hain berria ez dela ohartarazi ondoren, EAJ edozeinekin eta edozertaz berba egiteko inolako trabarik ez duela jarriko aurreratu du. Edozelan ere, gehiengo hori gauzatzen bada, Goienetxea ez du ezkutatu zoriontsu izango dela.

Ongi etorri, baina guretzat ez da hain berria, beti esan dugu hori landu egin behar dela, eta lortzen joan behar direla gauzak.

■ **Gatazka konpontzeko urratsik egin dezake?**

Ez gara nekatuko esaten lehengo eta behin berba egin behar dela. Berba egiteko jesarri egin behar dira erantzukizun handiena duten aldeak, batak begiak ixten dituelako eta besteak begiak ixten dituelako ezin dira egon berba egin barik soluzionatu edo pauso nagusienak emateko. ETA alde batetik eta Espainiako Gobernua beste aldetik. Besteok jarraitu behar dugu sakatzen bidea topatzeko, alde biak ez badira jesaritzen jesar daitezen, azken batean jesarri egin behar dutelako. Behar izanez gero, hitzarmenak bete eta inazatu beharko dira, hori delako bide bakarra. Baten bortxakeriak eta

bestearen bortxakeriak, azken batean alde biak daude eta bortxatzen, bata bortxakeria gorria lege eta bestea bortxakeria zuria lege, Euskal Herriari mesede gutxi egiten diote. Euskal Herrian dauden ondorioak ikusita, zenbat eta luzeago egin, orduan eta gaitzago izango da pausoak, bideak edo ateak bilatzea. Ez badute jesarri nahi, jesarri eragin egin behar zaie, zeren herri honek ezin du segitu baten hutsuneagatik eta bestearen hutsuneagatik sofritzen ari dena sufritzen, ezta inondik ere.

■ **EAJk eta HBk jendaurrean esan dute elkarriketetan ari direla. EA zertan dabil? Badauka elkarriketarik?**

Eusko Alkartasunak beti esan du prest dagoela berba egiteko edozeinegatz eta edozertarako. Guk ez dugu inolako baldintzarik ipintzen berba egiteko inoregatz.

EA ari da berbetan denakaz eta beti. Ezadostasunak egonez gero, lehengo pausoa da berbetan hastea, gauzak argitu eta argitasun horren bidez gauzak soluzionatu ahal badira.

■ **Beste gai batera joanda, eztabaida polita sortu da Bizkaiko EAren zerrendarekin.**

Bai, zoritxarrez. Alderdiak badauzka barruan bere foroak eta bere arauak, eta gehiengo batek uste dugu foro horietan eztabaidatu egin behar dugula. Bizkaiko batzorde eragileak eta Euskadiko kolektibo lege hartu dute erabaki hori. Zerrendetan beti faltatzen dela nor edo nor, hori errespetatu egin behar da, nik uste dut ez dela hain problematikoa eztabaida hau, inondik inora. Batzordeek hartu dute erabakia eta hori da aurrera erango dena.

■ **Irarragorrik esan zuen zelan den posible une batean lehendakari izateko zegoenak beste une batean ez balio izatea ezta zerrendan joateko ere.**

Ardura daukan estamentuak hartzen du erabakia nortzuek joan behar duten eta nortzuek ez. Ez du inork beste inor diskriminatzeko, erabakia hartu zuen estamentuak aukeratu ditu bere ustez egokienak direnak.

■ **Eusko Alkartasunako batzar nazionala ia erdiak ez ziren bat etorri atera ziren zerrendekin.**

PSOEek barne hauteskundeak egin zituenean Rosa Diezek %47 eta Redondok %53 lortu zituzten. Barruko erabakia gehiengo batek hartu du. Irabazi du irabazi duenak, eta orain kalera irteten denean alderdi osoak joan behar du hori defenditzera. EAJko kide eta lagunei esan nieke ez kezkatzeko, guk ez dugula alborra egingo inondik inora. Asko agertu den arren batzuk direla EAJren aldekoak eta beste batzuk HBren aldekoak, kalifikatibo interesatuak dira era batera edo bestera deskalkifikatzeko. EAJ independentearen aldeko proiektu bat nahi du, euskal estatu independente bat sortzeko helburua du Euskal Herri osoan, eremu sozialdemokratik baten barruan eta hori ekintzetan erakutsi behar da. Guk herri euskalduna lortzea nahi dugu. Gure proiektua ez da EAJ ez HB, Eusko Alkartasuna baizik.

Iñaki Uriarte
BERMEO